



皇明風雅卷之三十三

七言排律八首

次韻和劉彥箕憶山中篇

劉基

句曲峰高倚太陽不風巖谷自清涼  
四時嵐彩霏瓊雪百道泉流湛玉霜  
雅稱采芝追綺季尤宜散髮學嵇康  
龍鱗錯松當徑鳳尾攤樾竹過墻  
月上海門蟾早覺露寒天宇鶴先嘗  
仙人卓劍降魑魅道士書符禁徧狂  
寶氣丹光生夜寂黃精白朮引年長  
茅君虎卧瑤壇上蕭史鸞棲碧殿旁  
桂樹寒山遠謝客桃花流水憶劉郎  
猿猱任占青蘿帳薜荔從生綠石床



世難有身空自累詩成無鴈倩誰將欲憑錦瑟傳幽  
思才理朱絃意已忘

和劉先輩憶山中韻

宋濂

憶昔山中鍊九陽山頭旭日正蒼涼鳳笙吹煖雲中  
火龍藥凝成鼎內霜靈戶啓高森虎禦中房持戟混  
桃康山分秋色侵玄壑蝸學天書篆敗墻五鳥花開  
呼鹿守千齡桃熟遞仙葺伐毛定欲追秦女歌鳳誰  
能咲楚狂種得神瓜如盎大養來瘦鶴似人長樓延  
虛顯殊庭上樹蝕蒼霞曲瀨傍劍氣尚堪吞鬼伯詩  
魂端合起羅郎但求脫粟三升飯肯賦眠雲六尺床

洞雪成漿烹日鑄海苔為紙寫凡將舉頭便覺三山  
近小大俱真百慮忘

具慶堂為孫指揮繼宗作

曹鼐

名門積德百餘年堂上雙親雪滿顛曉日恩光雙闕  
下春風甲第五雲邊金貂玉帶恩榮重雲翟珠冠福  
壽全椿樹綠連瓊島秀萱花紅照綵衣鮮笙歌迭奏  
長生曲龜鶴同延不老仙賜出御醪金作甕騎來官  
馬錦為韉華堂勝日蟠桃宴細柳春城蠟炬烟敢恃  
簪纓聯戚畹只將忠孝格皇天退朝每奉三牲養持  
志常懷一寸堅麟閣丹青昭萬古芳名肯讓昔人賢



酬牛迂理八韻

張寧

文韜武畧擅時英親奉除書下玉京黃閣才華新黼  
黻錦衣人物舊簪纓登壇虎衛承恩早射策龍門錫  
命榮兩浙風塵行處息九重日月望中明雄驅欲問  
雲中虜保障偏臨海上城橫槊吟成朝戲馬運籌竒  
出夜談兵回天空有潼關夢報主無由朔漠行欲向  
轅門歌吉甫願陳威德濟蒼生

送楊承芳太守六韻

關西清白舊相傳政事文章繼兩全仕路風塵將白  
首客懷冰蘖尚青氈氣凌華岳群峰下志薄秦關百

戰前秋水月明霜滿地春風凍解日行天誰家隴畝  
無桑穀到處民居有誦絃老我病歸思借寇重來未  
卜意蕭然

送劉時雍都憲治水八韻

龍門一滴滂滄洲不是茫茫遍九州尺水也須仍禹  
跡萬幾應復動堯憂東南岳鎮歸良弼西北關津備  
上游總為皋夔諧德讓遠移方召應旁求堤平瓠子  
歌尋歇潮落錢塘射早休謾負束薪沉璧馬空將生  
鐵鑄犀牛星源信是從天下野漫終當入海流見說  
澄清當此日太平須用濟川舟



徐州新洪詩

李東陽

徐州洪舊名百步洪水峻石險自古為然  
工部主事郭昇騰霄鑿石平岸厥功告成  
請以是詩刻之金石

山根忽斷水橫來誰見當時禹鑿開此地獨當南北  
險濟川多難古今哀叢叢怒石迎船起拍拍驚濤打  
岸迴纜卒不眠愁上下篙師無力正摧頽千年鬼斧  
遺天巧百里山靈伏禍胎已仗中朝天子命兼煩東  
省使君才沙沉鐵鎖蛟龍避霧殷雷車晝夜催直到  
中流無齟齬却看高浪失崔嵬寒泉出鼉人爭引垂

柳邊河手自栽賈客不須虞覆溺嗚犬終免卧蒿萊  
岩收傳築功難繼海著秦鞭事可猜莫置豐碑芳草  
處恐教文字沒蒼苔

題青巖隱居記後

青巖者王忠文公子充讀書之所也公為  
翰林待制死事雲南後若干年其曾孫汶  
舉進士持青巖圖示予公所為記義門鄭  
長史楷所書公伯子綬之詩與仲子紳之  
文皆在焉

青巖西面接嶙峋聞道先生舊隱淪二水夾流通澗



谷兩山高起隔風塵唐川地古猶稱越元世兵餘合  
避秦豈似羊曇非乞舅居緣孟母不求鄰長懷龍卧  
歌梁父豈學羊裘老富春書詔早傳行在所衣冠生  
及太平辰紀言右史親沾命仗節南荒竟委身白髮  
鄭公鄉里在青氈王氏子孫貧家聲六代科名出國  
典先朝謚法新今日醉鄉還有記當時嵩嶽豈無神  
曾披汗竹開金匱擬束生芻弔玉人遺像雅篇俱在  
眼斗山瞻望敢辭頻

皇明風雅卷之三十三

皇明風雅卷之三十四

五言絕句六十六首

懊懷歌

劉基

白鷗養鷓時夜夜啼達曙如何羽翼成各自東西去  
昨夜霜風起入戶復吹帷兒啼母心酸母愁兒不知

玉階怨

長門燈下泪滴作玉階苔年年傍春雨一上苑墻來

秋思二首

梧桐生碧砌密葉暗金井驚心昨夜月照見棲禽影  
蕙草芳已歇候蟲寒不鳴相知惟白髮日夜滿頭生



長門怨

白露下玉除風清月如練坐看池上螢飛入昭陽殿

琅琊王歌

駿馬須好鞍彊弓須勁箭將軍不知兵健兒空自健

閨情

戎馬關山隔空閨鬢髮華將何寄消息江樹總無花

閨詞

剔却燈花並從教污翠鈿幾回虛報喜誤妾不成眠

題亭上壁

宋濂

意隨流水行却向青山生因見落花空方悟春歸去

吳鉤行

高啓

吳鉤若霜雪吳人重遊俠尊前含笑看上有仇家血

阿那瓌

牛羊草漫野大帳天山下十萬控弦兒聞箏齊上馬

照鏡詞

君家青銅鏡價重比黃金空持照人面不持照人心

宛轉行

宛轉復宛轉宛轉日幾迴君腸轆轤斷我腸車輪摧

團扇郎

團扇團且潔人言似明月明月豈得如長圓不啻缺



寄衣曲

賜袍非不暖妾製稱郎身寄去龍堆遠端愁到已春

別呂隱君

孤舟晚溪口欲去重回首不忍別青山况此山中友  
赴京道中逢還鄉友

我去君却歸相逢立途次欲寄故鄉言先詢上京事  
觀軍裝二詠

刀

大會購千金妖精泣太陰燈前開匣看無限許君心  
袍

雕錦剪花團三邊總認看尋常不肯看風雪念兵寒  
要離墓

弱夫殺壯士誰敢嬰餘怒今日古城邊耕人肆侵墓  
飛來峰

風吹峨眉雲來依此山住我來不敢登只恐還飛去  
西園梨花唯開一枝

孤芳不滿柯蜂蝶未經過莫怨春情薄開多落也多  
陌上桑

楊基

青青陌上桑葉葉帶春雨已有催絲人咄咄桑下語  
花開



花開醉不休花謝莫深愁縱使花常在東風也白頭  
壺中二色桃花

素頰映紅腮西園共折來憐渠竟先落知是最先開  
瓶中插梨杏桃李四花有詠

各白媚春光輕紅映淺粧日融花氣暖忘却是誰香  
彈琴高士

江靜月在水山空秋滿亭自彈還自罷初不要人聽  
扇上畫

別夢蘋花外歸心燕子前齊王不好瑟庶士滿朱絃  
刺客三詠

七首

秋帝聶政魂寒漬荆軻血報讐兼報恩刺人還自殺  
筑

朝擊燕秦聲暮擊皆死曲誰知腹中鉛矐却壯士目  
椎

公子終救趙留侯徒中車平生萬金客不及圯橋書  
五文石

落星長百尺風雨忽中斷至今雷火焦突兀猶存半  
照湖鏡

團團山中石下照太湖影如何一鑑中三萬六千頃



夢歸

夢歸片時懽  
夢覺終夜惡  
欲起就殘燈  
白風搖寒燼  
落逢故奴二首

出門逢故奴  
倉卒塵中拜  
不暇相隨行  
街頭捧衣賣  
出門逢故奴  
怪我顏色槁  
茲事何足驚  
別離容易老

胡騎圖二首

張羽

弓劍隨身帶  
關支細馬馱  
天寒水草遠  
更過白狼河  
陣火照紅雲  
龍廷戰未分  
金兜上馬去  
應避李將軍

觀魏武本紀

促路蜉蝣短  
雄心日月長  
玉林飄總帳  
徒自戀餘香

仲穆着色蘭

鸞輿去不返  
風雨湘江曲  
芳草獨無情  
還如裙帶綠

塞上曲

徐賁

十五見天子  
十八領邊兵  
曾將一羽箭  
贏得射鵬名

采蓮曲

采蓮莫采多  
采多莖傷手  
手傷有時好  
傷我池中藕

青青水中蒲

青青水中蒲  
織作團團扇  
不肯贈傍人  
自掩春風面

次張仲舉祭酒詠花

張以寧

槐花



黃露結青枝  
風吹散秋雪  
憶昨馬蹄忙  
壯年心未徹  
木槿花

朝昏看開落  
一笑小窓中  
別種蟠桃樹  
千年一度紅  
赤烏碑

王逢

碑存赤烏年  
僧指青燈夜  
風雨寒蕭蕭  
黃旗儼來下  
淵明把酒圖  
為居士遵誼題

解官賦歸田  
把菊秋風前  
顧問劉寄奴  
何如傅延年

七夕

張光弼

乞與人間巧  
都憑此夜秋  
如何針線月  
容易下西樓  
白頭翁

踈蔓短於蓬  
卑棲怯晚風  
祗緣頭白早  
無處入芳叢

贈孫炎

汪廣洋

建業孫公子  
文如李謫仙  
江頭看明月  
醉枕酒鉸眠

江上

昔從江上去  
今從江上還  
家僮笑相語  
又過小孤山

閨思

錢遜

望斷傷春眼  
湘簾懶上鈎  
落花深院靜  
鸚鵡對人愁

墨菊

藍靜之

晚節黃金盡  
霜枝淡墨新  
東籬日昏黑  
不見白衣人

初夏即事

劉渙



野色滿庭戶晝涼清景佳一雙白練帶飛上石榴花  
偶成

雪色西蕃馬臨流顧影嘶似嫌金絡重蹴碎落花泥  
春日漫興

莫道梨花瘦楊花更可憐隨風消雨恨總在客窓前  
烟波亭

漢水連天闊江雲護曉寒青青山數點最好倚闌看  
昭君

承詔辭金闕銜悲入塞城可憐沙上月渾似漢宮明  
無題二首

門外青青草今年更覺深前時玉釵墮侍婢不能尋  
海內雖無事朝中有諫書大家猶未省不敢候羊車

新水

柳外朝朝雨平添過舊痕往時桃葉渡今日更消魂  
題竹

勁節含香籜高標近碧霄呼童掃飛葉拾得鳳凰毛

題翠竹

許繼

鳴鳳去已遠湘江春自流鷓鴣烟雨暮翠袖不勝愁

江行

管訥

野樹微茫裏江流浩蕩間船樓烟雨重不見九華山



鄱陽阻風

廬阜千岩雪鄱陽萬里風驚看白頭浪愁殺白頭翁

鄧伯言

皇明風雅卷之三十四

皇明風雅卷之三十五

五言絕句五十四首

結客行

劉績

結客千金盡酌恩二劍存羞為狗盜伍不傍孟嘗門

征夫詞

征夫語征婦死生不可知欲慰泉下魂但視柩中兒

征婦詞

征婦語征夫有身當徇國君為塞下土妾作山頭石

鬻骸吟

草根鬻骸骨月照白如銀莫使妖狐戴成精來媚人



阿那瓌

夜雪沒羶城聞笳三兩聲漫山是獵火照着漢家營

古築城詞

朝築防虜城暮築防虜城壯丁皆餓死官田何人耕

雙行纏二首

色絲將文羅持作雙行纏繫儂白玉脰步步作春妍  
綉纏合歡帶足底生蓮花自踏君門戶更不由狹斜

竹西渡

渡口秋水深芙蓉尚堪采聞郎竹西去倚着蘭舟待

石家池

暮行石池上水淺蒲葉長不見池上人白鷗自來往

草阜坳

東坳春草長西坳白日晚獨有坳中兒牧牛知近遠

卽事

十五學樗蒲非盧道是盧媚人教勿語密地與青蚨

自題詩本

幼小工刺繡極知針綫難祗綠花樣古不耐入時看

江邊柳

胡虛白

朝送木蘭船暮迎征馬鞭非關離別苦生長在江邊

關山月



萬里關山月東西共一天遙憐馬上見不是在家園

轆轤吟

一轉一回腸再轉腸應斷不愁井水深只恐郎恩短

刺促詞

刺促復刺促刺促向誰道青青高山樹不如墻下草

留別鏡湖諸友

張一民

未別先已懷別後當如何留將三五字情至即高歌

婕妤怨

王諱

玉簾夜涼新秋蛾暗裏顰如何天上月獨照掌中人

題畫草木奇峰

王景彰

蒼虬飛上天鱗鬣墮深麓長風吹不起散作千山紅

巴陽夜泊

施教

獨棹三巴夜秋高片月孤灘聲將客夢萬里下東吳

幼女詞

鄭嘉

下林着新衣初學小姑拜低眉羞見人雙手結裙帶

送劉逸人還中山

王恭

落日鷓鴣鳴送村獨送行峰回看不見望望有餘情

聞漁笛

漁人將楚竹吹向月明中莫唱梁州曲金河有斷鴻

鷓鴣



綠樹殘春外雙飛錦翼齊長沙有遷客莫向雨中啼  
草色

拂拂度林壑霏霏上野亭王孫歸未得空向雨中青  
落

要路何曾著閑門積漸多五陵松柏外隨雨上盤陀  
陳滄洲遊方廣岩不果行

聞說乘溪櫂尋源過水西如何雨花處欲往路先迷  
送老兵還鄉

解劍辭邊將蕭條白髮新無家也歸去勝作異鄉塵  
初秋尋烏石蘭若

不到禪扉久靈花又早秋白雲飛欲去還被遠公留  
早朝

驄馬五更寒收衣已繡鞍東華天未曉明月滿闌干  
解纜

夜發清江口

楊士奇

日落州水寒解纜清江渚中夜北風來相送潭州去  
夾溝遇邑人問家信

聞道故鄉來辭家今遠近恐有劾京書停舟試相問  
飲牛潭

王備

洗耳在潭下飲牛在潭上白鷺飛復來烟中立相向

昭君怨

黃淮



胡風號永夕寒月照空兮  
盧臺裏聞天語褰衣下玉除  
白髮

吳溥

鬢髮今全白應無再黑時  
晴窓縮新沐拾得幾莖絲  
商婦怨

李時勉

百歲以相期安知有別離  
去時兒在腹今已長過眉  
雜詩

幾年種桃李日望成大樹  
結實未堪嘗爭來摘將去  
山居

劉球

水抱孤村遠山通一徑斜  
不知深樹裏還住幾人家  
芙蓉

蔣主忠

清露下江華如洗中有弄珠人  
盈盈隔秋水

張楷

寒食長安道吟詩獨送春  
披心看花飲空負洛陽人

遊惠好

辭輦言猶在  
王稔懽樂飛燕繞龍輿

洛陽道中

洛陽大道上  
各駐巾烏上客停珮珂

魏宮詞

乍啟金魚鑰閒登銅雀臺  
新懽猶下  
同諸公有懷

同諸公有懷



少日辭鄉井衰年尚國門時從杯酒重思歸故鄉言  
塞下曲

風急陣雲高胡人不敢逃當圍縛酋虜來試鷓鴣刀  
漢宮曲

日暮上簾鉤春花壓翠樓忽聞宣召急羅帕掩篋篋  
金陵懷古

落日滄江雨東風廢苑春莫言三國士猶勝六朝臣  
江南曲

忽得三巴信郎無未有期只緣風浪險不是薄情兒  
新荷  
陳端

荷葉何田田出水大如錢但得根成藕何愁不見蓮  
題畫  
童軒

家住清溪口門掩清溪樹溪上多白雲幽人自來去  
折枝梅  
錙師邵

折取江南花欲寄江北去路遠不逢人馨香手中故  
富林春曉  
陸潤玉

旭日始啓旦鳥聲出烟蘿草堂檢春事花落風擔多  
谿橋曉市

石梁雙跨谿虹影倒涵水斜月未墮烟烟中市聲起  
皇明風雅卷之三十五



皇明風雅卷之三十六

五言絕句五十五首

黃竹子歌

張寧

儂從江上來娘向江陰去黃竹筭成竿不見娘歸處

江陵女

白苧裁娘衫茜練作娘裙情隨吳江水夢阻越山雲

黃愁樂

金雀玉搔頭生來喚莫愁自從懽去後不出石城遊

紅梅

似杏色尚淺比桃香自濃能存舊時節莫問舊時容



雜詠

斜日照江亭風高水滿汀潮來魚正上誰肯解魚罾

棄瓢圖

遜位峻相絕棄瓢焉足云獨憐堯舜日危行已如君

釣魚圖

風雨濕蓑衣求魚晚不歸此心先有待何必說忘機

花鳥小畫

歲垂枝上花宛恋枝頭鳥花與鳥無情鳥自憐花好

巖灘圖

物色既堪見相逢無所言高風已千古微意竟誰論

為姚公綬題飛白竹

不是乘春綠終無變節黃惟應清白操歲晚映冰霜

題梅

江北一枝少江南千樹栽當時耐寒物今在暖鄉開

明妃曲

丘濬

塞雪凋宮鬢胡霜裂漢裙畫工雖可恨不似奉春君

洗竹二首

陳獻章

洗竹洗荒枝洗心洗狂馳老夫無可洗抱膝洗吾詩

一洗一回踈相將洗到無客來莫問我此壁有團蒲

楊白花

張璪



輕盈楊白花風吹渡江去金屋閉重甍  
莫鎖楊花住  
婕妤春怨

太液柳垂絲昭陽花滿枝如何長信草獨是見春遲  
金井怨

照井怨憔悴顧影莫垂泪猶勝張麗華  
倉皇井中墜  
飛花  
高壁

風雨送春歸園林花亂飛花飛不足惜  
祇惜減容輝  
雲林書屋

漠漠山中雲藹藹雲中樹不聞絃誦聲  
那知有人住  
春草宮

宮花已寂寞宮柳亦凋零惟有宮前草  
春來依舊青  
昭君曲

奉詔事和親從容出林下  
展綠知平國難猶勝奉君身  
古意二首  
張弼

枯槁如離腸  
輾轉千萬轉只見山高  
低不見路近遠  
離腸如枯槁  
輾轉千萬遭  
枯槁有時歇  
離腸常自勞  
海子  
李東陽

海子西入城中與龍池連  
高樓沙口望正見打魚船  
響聞

春濤夜忽至汨汨溪流滿  
津吏沙上來坐看青草短



慈恩寺

水繞湖邊樹花垂石上藤長來寺前坐不識寺前僧

楊柳灣

沙崩樹根出細路縈如棧垂柳隔踈簾人家住西岸

鐘鼓樓

月黑行人斷高樓鐘漏稀城中聞夜警邏吏不曾歸

桔槔亭

野樹桔槔懸孤亭夕照邊間行看流水隨意滿平田

官柳

官柳何青青低垂覆江岸日暮無人行風吹幾枝斷

雜畫

入谷聽幽泉依稀隔雲注欲觀泉出時須向雲深處

吉安府

山勢西來斷江流北去平萬家深樹裏聞是吉州城

西湖曲

湖波綠如剪美人照青眼一夜愁正深春風為吹淺

見月

月色四千里我行三見之此回重見月是我到家時

苔

豈不愛佳客客來殘我苔西園十日雨三徑不曾開



昭君怨

畫史君王恨琵琶賤妾悲誰憐青塚夜不及白登時

謝鐸

古寺何年有鐘聲薄翠華城中寸金地香火半人家

月嶺

嶺頭初出月嶺下未歸人莫恠市朝路紛然車馬塵

桃溪

淺水難容棹繁花白作村分明幽絕地不是武陵源

金字牌

未飲黃龍府先悲金字牌英雄恨不滅血淚滿長淮

照鏡

十年不照鏡只是少年時試拂青銅看蒼頭爾是誰

張泰

落花

春去餘花在青藏幾簇紅自知無主惜落盡不因風

和谷人

朱祚

紫禁紅雲遠朱門畫戟寒欲投懷裏刺堪笑字皆漫

重山

林俊

野水閑雲外蒼藤古木深流來有花片路斷亦難尋

老子出關圖

張琦

道大無傳受騎牛西出關剛留五千字遺智滿人間



海棠

微紅初上頰便覺春多夢窗外有人無鳥踏花枝動

松鼠盜粟

數畝山中粟貧家作大收今年程鼠耗已缺半年秋

息夫人

楊時秀

自誓非初誓新恩即舊恩移天不能死此外復何言

少年行

走馬章臺路飛花逐轡行黃金盡歌舞終是道傍情

園扉中設舊船板為寢榻偶題

李夢陽

此板胡采茲吾身寢其上情知非江湖夢寐亦風浪

古江南曲三首

錢百川

採蓮復採蓮採採不拍手貪摘雙頭花拔斷連理藕  
湖南采蓮花湖北採蓮葉回頭見郎來低頭理雙楫  
小姑未成人不慣見郎君蕩舟入新荷牽壞紫羅裙

江南樂二首

徐禎卿

還鄉信自樂望近轉於邑阿母見兒歸定自持懷泣  
人言江南薄江南信自樂采桑作蚕絲羅綺任儂着  
六言絕句一十首

楊氏山莊

高啓

斜陽流水幾里啼鳥空林一家客去詩題柿葉僧來



供養藤花

春景

張宜中

林花紅濕宮錦岷草綠碾香輪  
半世千場是醉百年幾度逢春

題水墨小景

王恭

白鷗門外孤艇黃葉山中一瓢  
惆悵青雲舊侶相思不到漁樵

題鄂渚贈別圖送人歸廬陵二首  
楊士奇

鸚鵡江中紅樹鳳凰城裏青山  
借問來遊幾日秋水蘭舟獨遠

客遊黃鶴磯畔家住金魚浦前  
心似波間明月隨君先過螺川

尋張逸人山居

張楷

綠溪五里十里隔水三家四家  
借問先生何處柴門流水桃花

出城二首

李東陽

塞鴈衝寒獨迴柴門傍暖初開  
青到城頭柳色東風昨夜歸來

洪慈寺裏人醉主事墳前草生  
世路悲歡如此舊遊何處忘情



便面小景

綠盡平川渺渺青含遠樹依依芳草原頭雨過夕陽  
江上船歸

題枯木竹石

張泰

拳石半頑半峭老樹欲枯未枯添箇歲寒清節君子  
之德不孤

皇明風雅卷之三十六

皇明風雅卷之二十七

七言絕句七首

春江曲

劉基

江上風帆日日歸獨自狂夫音信稀燕因化作鷓鴣  
鳥隨着郎船到處飛

采蓮歌

十三女兒白似脂向人學得做嬌痴折得白蓮頭上  
插苧羅山下賽西施

江南曲

錢唐勝地作南都紈綺如雲隘廣途想得燕山風雪



夜斷魂相語怨西湖

讀史有感

千古懷沙恨逐臣章臺遺事最酸辛  
可憐日暮高唐夢繞盡行雲不到秦

題畫猫

碧眼烏圓食有魚仰看蝴蝶坐階除  
春風漾漾吹花影一任東郊鼠化鴛

題明皇幸蜀圖

斜陽慘淡照霓旌石棧縈紆僕馬驚  
旒想得心間子規鳥斷崖青壁亦相隨

磨石岡作

磨石岡頭雲濕衣謝公墩上雨霏霏  
西風忽捲殘陽出臨水登山心却歸

鍾山作

白鴈蕭蕭柿葉紅野花開盡六王宮  
空餘一道秦淮水着意西流竟向東

夜泊桐江驛

伯夷清節太公功出處非邪豈必同  
不是雲臺與帝業桐江無用一絲風

吳宮詞

高啓



芙蓉水殿彙廊東白苧秋來不耐風教得君王長夜  
醉月明歌舞在舟中

漢宮詞

酒醒金屋曙河流願賜銅盤一滴秋他日君王作仙  
去瑤池猶幸得同遊

少年行

下直平明出禁門笑提博局伴王孫寶刀不敢將輸  
却明日沙場欲報恩

館娃閣

館娃宮中館娃閣畫棟侵雲峰頂開猶恨當年高未

極不能望見越兵來

吳王井

曾聞鑑影照宮娃玉手牽絲帶露華今日空山僧自  
汲一瓶寒供佛前花

三高祠

范蠡

功成不戀上將軍一舸歸遊笠澤雲載去而施豈無  
意忍留傾國更迷君

張翰

洛陽忽憶鱸膾肥便趁秋風問釣磯猶恨季鷹馬蹏未



早不邀二陸共船歸

陸龜蒙

鴨群無食水田荒風雨孤篷載筆牀猶有新詩驚太  
守醉中揮翰木蘭堂

銷夏灣

涼生白苧水雲空湖上曾開避暑宮清簟疎簾人去  
後漁舟占盡柳陰風

宮女圖

女奴扶醉蹙蒼苔明月西園侍宴回小犬隔花空吠  
影夜深宮禁有誰來

戴叔鸞入江夏山圖

歸隱初辭薦辟章西風黃葉滿車箱青牛只識山中  
路不是無心向洛陽

四皓

高山深谷樂悠哉何事猶思太子來擬向秋風歌一  
曲紫芝黃鵠總堪哀

詠史三首

晏嬰

一裘身着久經年祿米分炊幾戶烟盡說大夫能養  
士却於花叟惜封田



儀秦

二子全操七國權朝談縱合暮衡連天如早為生民  
計各與城南二頃田

藺相如

危計難成五步間置君虎口幸全還世人莫笑三閭  
懦不勸懷王會武關

紅椒仕女圖

楊基

兩樹紅椒隔禁扉晚涼携伴試羅衣金鈴小犬迎人  
吠應怕秋來出院稀

十二紅圖

何處飛來十二紅萬年枝上立東風楚王宮殿皆零  
落說盡春愁細雨中

趙仲穆畫蘭

當年曾進福州蘭小殿秋風翠珮寒零落楚香收不  
得且從魏國畫中看

除夜

舊曆驚心只一行坐依燈火戀年光尋常客裏愁長  
夜惟有今宵願更長

題陶淵明像

張羽

五兒長大翟淵賢豈待歸來只醉眠籬下黃花門外



柳秋光不似我照前

燕山春暮

金水橋邊蜀鳥啼  
玉泉山下柳花飛  
江南江北三千里  
愁絕春歸客未歸

畫馬

徐賁

拳毛零落暗塵埃  
何似春風立仗回  
當日外蕃初進  
奉不知傳勅賜誰來

題葉梓素所作山水

任昉臺前記別離  
闔閭城外哭君時  
今朝孤館看圖  
畫萬水千山不盡思

慰吳允堅喪妾

腸斷琵琶曲裏聲  
綠雲天遠不勝情  
歸來玉板休輕  
觸鸚鵡能呼舊日名

鸚鵡仕女

張光弼

美人應自惜年華  
庭院沉沉鎖暮霞  
只有舊時鸚鵡  
見春衫曾似石榴花

戲作杭州歌二首

張以寧

吳姬鮑冠望若空  
淚粧眼角暈嬌紅  
染得羅裙好顏色  
西湖新柳綠春風

西陵渡口潮水平  
十五五發舟行樓中燕子慣見



客不怕渡頭津鼓聲

題畫馬

滿身雲影出填河九折羊腸抹電過天廡飛龍今百  
萬儘渠飽卧夕陽坡

宮詞

王蒙

南風吹斷采蓮歌夜雨新添太液波水殿雲廊三十  
六不知何處月明多

題水殿納涼圖

詹同

湖上闌干百尺臺臺邊水殿倚雲開紅橋人隔荷花  
語玉盞金盤進雪來

入峽二首

黃牛廟下水如弦白狗峽中數尺天有文牽春上巴

蜀巖花無數照江船

歸州女兒採薪歸荷葉渡頭雨濕衣不怕山邊石路  
滑竹籃在背走如飛

西湖竹枝詞三首

錢惟善

白姊住近段家橋山妬蛾眉柳妬腰黃龍洞前黑雲  
起早回家去怕風潮

西湖之水清而深照見西山碧玉簪流入城中釀官  
酒日課豪家千兩金



揚柳人家雙燕鷄街泥點泥越羅襦雕胡掌齊藕絲  
嫩五月西湖天下無

小遊仙詞

劉渙

玉京侍宴返瑤池西母金輿九鳳幃小隊旌幢三十  
六龍聲馬影隔雲飛

折枝芙蓉

渚宮秋老夕陽多無復君王避暑過席上舞衣零落  
盡獨留團錦照蒼波

懷仙詞

危德華

玄都昔謁紫陽君夜讀丹書玉洞文春雪樓面坐明

月鳳蕭吹落萬松雲

鴈來紅

周子羽

翔鴈南來塞草秋未霜紅葉已先抽綠珠宴罷歸金  
屋七尺珊瑚夜不收

少年行

其瑾

金縷羅衣白馬驕鬪鷄走狗灞陵橋鳳笙吹徹樓頭  
月花擁銀瓶酒未銷

圮橋授書圖

老人坐進圮中履孺子親傳圮上編一自渭川人去  
後卅書流落素書傳



秋詞

劉彥昂

紫電宮嬪曉貫魚  
靜鞭當殿肅金吾  
近臣知有天顏喜  
東殿疏囚有諫書

再過江陰觀劉琪寫竹

汪廣洋

錙琪素得洋州譜  
寫竹真如寫草書  
尚憶澁江舊遊地  
雨中燒笋食鮒魚

遊金華山

空翠盤盤下鶴群  
仙家鷄犬靜中聞  
東風忽遣廉纖雨  
吹落松梢幾片雲

題宋徽宗雙鷺圖

蒼葉青青水蒲塘  
文鴛晴卧落花香  
不因羌管驚飛起  
三十六宮春夢長

涼州曲

琵琶初調古涼州  
萬壑風泉指下流  
好是貞元無事日  
玉宸宮裏按新秋

淳安棹歌

淳安縣前江水平  
越女唱歌蘭葉青  
山禽只管喚春雨  
不道愁人不願聽

東吳棹歌

玻璃冷浸洞庭山  
霜竹攢攢橘柚斑  
白髮吳娃笑相



語官船不似釣船閑

毛元升畫薔薇

唐肅

色是昭陽第一人縷金衣薄不勝春  
死生能畫非延壽不得黃金也逼真

絕句

錢子正

湖海風塵入鬢毛歸來燈火對兒曹  
道人不是封侯骨錯把黃金鑄寶刀

春暮

錢子義

一聲啼鴉夕陽中萬紫千紅過眼空  
吹得花開又吹落最無情意是東風

狼居胥山

青海黃沙戰血紅漢庭何苦重邊功  
百靈上訴天應泣未必崇山肯受封

貪泉

千金一軟豈其然獨酌無傷處默賢聞道黃金入  
鄜塢未應隨處有貪泉

讀唐太宗傳

尺可縫兮斗可舂如何同氣不相容  
當時公謹未如晚未必龜從筮亦從

宮詞

鄭明德



曲曲闌干水殿涼紅綃扇底芰荷香按歌誤觸鴛鴦  
起宮漏今宵分外長

題趙仲穆美人圖

彈鵲閑庭思不忺辛夷花下晝厭厭春來怕見長門  
月雙燕歸時正捲簾

趙待制席上

沈夢麟

春城飛絮日顛狂簾幕風微燕子忙醉後不知羅袖  
薄牡丹花上月如霜

開歲卧病

郭奎

卧病文園渴未消自從人日到花朝不知楊柳將春

色綠過淮南第幾橋

秋聲

李廷興

漠漠微雲生曉陰滿庭虛籟薄霜林有聲元在無聲  
裏聽到無聲思轉深

淮西夜坐

袁凱

蕭蕭風雨滿關河酒盡西樓聽鴈過莫恠行人頭白  
盡異鄉秋色不勝多

李陵泣別圖


上林木落鴈南飛萬里蕭條使節歸猶有交情兩行  
泪西風吹上漢臣衣



皇明風雅卷之二十七







2